

**GRAD NOVI PAZAR**

**SKUPŠTINA GRADA**

**Odbornička grupa SDA Sandžaka**

ПИСАРНИЦА ГРАДСКА УПРАВА ЗА ИЗВОДЈЕЊЕ  
ПОСЛОВА НА ОСНОВЕ - ГРАД НОВИ ПАЗАР

Novi Pazar

5. avgust 2021. godine

Писарници	05.08.2021			
Логат	дел.	Број	Прилог	Вредност
I		02-41/21		

**P R E D S J E D N I K U**  
**SKUPŠTINE GRADA NOVOG PAZARA**

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O UPOTREBI IMENA, GRBA I ZASTAVE GRADA NOVOG PAZARA**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red i donese na prvoj narednoj sjednici Skupštine grada.

Ovlašteni predstavnik odborničke grupe SDA Sandžaka po ovoj tački dnevnog reda je zamjenik predsjednika odborničke grupe mr. **Emir Ašćerić**.

Predsjednik odborničke grupe

Ahmedin Škrijelj



## **PRIJEDLOG**

Na osnovu člana 32. stav 1. tačka 19. i člana 90. Zakona o lokalnoj samoupravi („Sl. glasnik Republike Srbije“, br. 129/2007, 83/2014 - dr. zakon, 101/2016 - dr. zakon i 47/2018), članova 7. i 8. i člana 15. stav 1. tačka 30. Statuta grada Novog Pazara („Službeni list Grada Novog Pazara“, broj 8/17). Skupština grada Novog Pazara na sjednici održanoj \_\_\_\_\_ godine donijela je

### **O D L U K U O UPOTREBI IMENA, GRBA I ZASTAVE GRADA NOVOG PAZARA**

#### **I OSNOVNE ODREDBE**

##### **Član 1.**

Ovom Odlukom bliže se uređuje upotreba imena, grba i zastave Grada Novog Pazara (u daljem tekstu: Grad).

##### **Član 2.**

Pod upotrebom imena Grada Novog Pazara, u smislu ove odluke, podrazumijeva se korištenje naziva Grada Novog Pazara tj. imena „Novi Pazar“ (u daljem tekstu: ime Grada) u poslovnom imenu privrednog društva, ustanove i drugih oblika organizovanja (u daljem tekstu: pravno lice) i preduzetnika.

##### **Član 3.**

Organi Grada, pravna lica, preduzetnici i fizička lica mogu upotrebljavati ime Grada, odnosno grb ili zastavu Grada u skladu sa Statutom Grada Novog Pazara (u daljem tekstu: Statut) i na način uređen ovom odlukom.

Ime, grb odnosno zastava Grada mogu se upotrebljavati na način kojim se ne narušava ugled Grada.

#### **II UPOTREBA IMENA GRADA**

##### **Član 4.**

Pravno lice odnosno preduzetnik iz člana 2. stav 1. ove odluke dužan je da prije registracije poslovnog imena koje sadrži ime Grada pribavi za isto saglasnost Skupštine grada Novog Pazara (u daljem tekstu: Skupština grada).

Izuzetno, saglasnost iz stava 1. ovog člana nije potrebna ako se radi o pravnom licu čiji osnivač je Grad.

Odredbe st. 1. i 2. ovog člana odnose se i na ime na stranom jeziku, kao i na pridjevske oblike imena Grada.

### **Član 5.**

Na upotrebu imena Grada u poslovnom imenu pravnog lica odnosno preduzetnika daće se saglasnost ukoliko je djelatnost pravnog lica odnosno preduzetnika od značaja za građane, privredu i društvene djelatnosti u Gradu.

Na upotrebu imena Grada u poslovnom imenu pravnog lica odnosno preduzetnika može da se da saglasnost i u slučajevima kada bi upotreba imena Grada u poslovnom imenu pravnog lica odnosno preduzetnika doprinijelo daljoj afirmaciji ugleda Grada.

### **Član 6.**

Zahtjev za davanje saglasnosti na upotrebu imena Grada u poslovnom imenu pravnog lica odnosno preduzetnika podnosi se Skupštini grada.

Skupština grada, prije odlučivanja o zahtjevu, pribavlja stručno mišljenje Komisije za davanje stručnog mišljenja o upotrebni imena, grba i zastave Grada (u daljem tekstu: Komisija).

Komisija je dužna da mišljenje o zahtjevu dostavi Skupštini grada u roku od 15 dana od dana prijema zahteva.

O zahtjevu Skupština grada odlučuje rješenjem.

Rješenjem o davanju saglasnosti na upotrebu imena Grada u poslovnom imenu pravnog lica odnosno preduzetnika određuju se uslovi i način upotrebe imena Grada.

### **Član 7.**

Skupština grada može, na prijedlog Komisije, uskratiti pravnom licu odnosno preduzetniku pravo na upotrebu imena Grada ukoliko svojim poslovanjem odnosno aktivnostima nanosi štetu i narušava ugled Grada.

U slučaju iz stava 1. ovog člana Skupština grada donosi rješenje kojim ukida rješenje o davanju saglasnosti na upotrebu imena Grada u poslovnom imenu pravnog lica odnosno preduzetnika.

Pravno lice odnosno preduzetnik kome je rješenjem Skupštine grada uskraćeno pravo na upotrebu imena Grada dužno je da po prijemu rješenja odmah, a najkasnije u roku od 30 dana preduzme mjere radi brisanja imena Grada iz svog poslovnog imena te da o izvršenoj izmeni sprovedenoj kod organa nadležnog za registraciju, dostavi dokaz odjeljenju Gradske uprave Grada Novog Pazara nadležnom za skupštinske poslove (u daljem tekstu: nadležno odjeljenje).

### **Član 8.**

O izdatim rješenjima o davanju saglasnosti na upotrebu imena Grada vodi se posebna evidencija.

Evidenciju iz stava 1. ovog člana vodi nadležno odjeljenje.

Evidencija iz stava 1. ovog člana sadrži: redni broj, naziv i sedište podnosioca zahtjeva, broj i datum rješenja Skupštine grada kojim je odlučeno o zahtjevu, namjena korištenja i vremenski period važenja saglasnosti.

### III UPOTREBA GRBA I ZASTAVE GRADA

#### 1. Zajedničke odredbe

##### **Član 9.**

Grb i zastava Grada mogu se upotrebljavati samo u obliku, sa sadržajem i na način predviđen Statutom i ovom odlukom.

Izuzetno, grb Grada na pojedinim publikacijama i štampanim materijalima može biti u jednoj boji.

##### **Član 10.**

Grb i zastava Grada ne smiju se upotrebljavati neprimjereno, nedolično, na način koji vrijeđa javni moral i dostojanstvo građana Grada.

Grb i zastava kojima su izmijenjeni pojedini elementi ali svojim izgledom asociraju na grb i zastavu Grada ne smiju se koristiti.

Grb i zastava Grada ne mogu se upotrebljavati ako su oštećeni ili ako su svojim izgledom nepodobni za upotrebu.

Grb i zastava Grada ne mogu se upotrebljavati kao robni ili uslužni žig, uzorak ili model, niti kao bilo koji znak za obilježavanje robe ili usluga.

Izuzetno, grb i zastava Grada mogu se upotrebiti kao sastavni dio drugih amblema, odnosno znakova, ili na drugi način, uz saglasnost nadležnog organa, u skladu sa ovom odlukom.

#### 2. Upotreba grba Grada

##### **Član 11.**

Grb Grada se upotrebljava:

- na memorandumu, pozivnicama i sličnim štampanim materijalima koje koriste predsjednik Skupštine grada, zamjenik predsjednika Skupštine grada, sekretar Skupštine grada, Gradonačelnik, zamjenik Gradonačelnika, članovi Gradskog vijeća Grada Novog Pazara (u daljem tekstu: Gradsko vijeće) i Zaštitnika građana Grada Novog Pazara;
- na svim diplomama, poveljama, plaketama, medaljama i sličnim javnim priznanjima koje dodjeljuje Grad zaslužnim pojedincima i kolektivima, na predmetima koji se daju u reprezentativne svrhe, kao i na memorandumima, kovertama, zvaničnim pozivnicama, čestitkama, vizitkartama i sl.;
- na zvaničnim ispravama odbornika Skupštine grada;
- na „Službenom listu Grada Novog Pazara“ i drugim publikacijama koje izdaje Grad odnosno njeni organi;

- u natpisu na ulasku na teritoriju Grada;
- na drugim predmetima, u skladu sa odlukama Grada.

### **Član 12.**

Javna preduzeća, javne službe i druge organizacije čiji osnivač je Grad, imaju pravo na službenu upotrebu grba Grada, bez posebne dozvole, u skladu sa ovom odlukom.

### **Član 13.**

Upotreba grba Grada u umjetničkom stvaralaštvu i u vaspitno-nastavne i sportske svrhe je slobodno, pod uslovom da se ne protivi dobrom ukusu, društvenim i moralnim normama, heraldičkoj praksi i tradiciji i ovoj odluci.

Grb Grada se može upotrebjavati prilikom organizovanja međunarodnih susreta, takmičenja i drugih skupova (naučnih, kulturno-umjetničkih, sportskih i dr.), sajmova, jubilarnih proslava, svečanosti i drugih javnih manifestacija koje organizuju ili na kojima učestvuju Grad i njegovi organi, ako je to u skladu sa pravilima i praksom održavanja takvih manifestacija i skupova.

Grb Grada mogu koristiti zvanični predstavnici i delegacije Grada kada učestvuju na manifestacijama koje se održavaju u zemlji i inostranstvu.

### **Član 14.**

Grb Grada se može samo izuzetno upotrebiti kao ukras, dio ukrasa, dio nezaštićenog znaka ili u komercijalne svrhe, kao sastavni dio drugih amblema, odnosno znakova, ili na drugi način, uz saglasnost Skupštine grada.

### **Član 15.**

Zahtjev za davanje saglasnosti na upotrebu grba Grada u smislu člana 15. ove odluke podnosi se Skupštini grada.

Zahtjev za davanje saglasnosti na upotrebu grba Grada sadrži tehnički opis, namjenu upotrebe grba Grada, rok za koji se saglasnost traži, kao i druge podatke bitne za odlučivanje.

Skupština grada, prije odlučivanja o zahtjevu, pribavlja stručno mišljenje Komisije.

Komisija je dužna da mišljenje o zahtjevu dostavi Skupštini grada u roku od 15 dana od dana prijema zahtjeva.

O zahtjevu Skupština grada odlučuje rješenjem.

Rješenjem o davanju saglasnosti na upotrebu grba Grada određuju se uslovi i način upotrebe grba Grada.

### **Član 16.**

Skupština grada može, na predlog Komisije, uskratiti pravo na upotrebu grba Grada ukoliko pravno odnosno fizičko lice načinom upotrebe grba Grada nanosi štetu i narušava ugled Grada.

U slučaju iz stava 1. ovog člana Skupština grada donosi rješenje kojim ukida rješenje o davanju saglasnosti na upotrebu grba Grada.

#### **Član 17.**

O izdatim rješenjima o davanju saglasnosti na upotrebu grba Grada vodi se posebna evidencija.

Evidenciju iz stava 1. ovog člana vodi nadležno odjeljenje.

Evidencija iz stava 1. ovog člana sadrži: redni broj, naziv i sjedište podnosioca zahtjeva, broj i datum rješenja Skupštine grada kojim je odlučeno o zahtjevu, namjena korištenja i vremenski period važenja saglasnosti.

### *3. Upotreba zastave Grada*

#### **Član 18.**

Zastava Grada ističe se:

- stalno, ispred zgrade Gradske uprave, u kabinetu predsjednika Skupštine grada i u kabinetu Gradonačelnika;
- na Dan Grada, na zgradi Gradske uprave, na koplju, i ispred zgrade Gradske uprave, na poseban jarbol, te zastava viori dok traju manifestacije povodom Dana Grada;
- prilikom proslava, svečanosti i drugih masovnih kulturnih, sportskih i sličnih manifestacija od značaja za Grad;
- prilikom međuopštinskih susreta, takmičenja i drugih skupova (političkih, naučnih, kulturno-umjetničkih, sportskih i dr.) na kojima Grad učestvuje ili je reprezentovana, u skladu sa pravilima i praksom održavanja takvih skupova;
- u drugim slučajevima, ako njena upotreba nije u suprotnosti sa odredbama ove odluke.

#### **Član 19.**

Zastava Grada ne smije biti postavljena tako da dodiruje tlo, niti upotrebljena kao podloga, podmetač, prostirka, zavjesa i sl.

Zastavom Grada se ne mogu prekrivati vozila ili drugi predmeti, niti se mogu ukrašavati konferencijski stolovi ili govornice.

Ako se zastava Grada ističe na govornici, može se postaviti na koplju sa desne strane govornice, ili na zidu iza govornice, tako da je govornik ne zaklanja.

#### **Član 20.**

Javna preduzeća, javne službe i druge organizacije čiji osnivač je Grad, imaju pravo na službenu upotrebu zastave Grada, bez posebne dozvole, u skladu sa ovom odlukom.

### **Član 21.**

Zastava Grada se može samo izuzetno upotrebiti kao ukras, dio ukrasa, dio nezaštićenog znaka ili u komercijalne svrhe, kao sastavni dio amblema, odnosno znakova, uz saglasnost Gradonačelnika.

### **Član 22.**

Zahtjev za davanje saglasnosti na upotrebu zastave Grada u smislu člana 21. ove odluke podnosi se Gradonačelniku.

Zahtjev za davanje saglasnosti na upotrebu zastave Grada sadrži tehnički opis, namjenu upotrebe zastave Grada, rok za koji se saglasnost traži, kao i druge podatke bitne za odlučivanje.

Gradonačelnik, prije odlučivanja o zahtjevu, pribavlja stručno mišljenje Komisije.

Komisija je dužna da mišljenje o zahtjevu dostavi Gradonačelniku u roku od 15 dana od dana prijema zahteva.

O zahtevu Gradonačelnik odlučuje rješenjem.

Rješenjem o davanju saglasnosti na upotrebu zastave Grada određuju se uslovi i način upotrebe zastave Grada.

### **Član 23.**

Gradonačelnik može, na prijedlog Komisije, uskratiti pravo na upotrebu zastave Grada ukoliko pravno odnosno fizičko lice načinom upotrebe zastave Grada nanosi štetu i narušava ugled Grada.

U slučaju iz stava 1. ovog člana Gradonačelnik donosi rješenje kojim ukida rješenje o davanju saglasnosti na upotrebu zastave Grada.

### **Član 24.**

O izdatim rješenjima o davanju saglasnosti na upotrebu zastave Grada vodi se posebna evidencija.

Evidenciju iz stava 1. ovog člana vodi nadležno odjeljenje.

Evidencija iz stava 1. ovog člana sadrži: redni broj, naziv i sjedište podnosioca zahtjeva, broj i datum rješenja Gradonačelnika kojim je odlučeno o zahtjevu, namjena korištenja i vremenski period važenja saglasnosti.

## **IV KOMISIJA ZA DAVANJE STRUČNOG MIŠLJENJA O UPOTREBI IMENA, GRBA I ZASTAVE GRADA**

### **Član 25.**

U cilju stručne obrade zahtjeva koji se odnose na upotrebu imena, grba i zastave Grada, Gradonačelnik obrazuje Komisiju za davanje stručnog mišljenja o upotrebi imena, grba i zastave Grada.

Komisija ima predsjednika i dva člana.

Predsjednik i članovi Komisije imenuju se na mandatni period od četiri godine.

Nadležnosti Komisije su:

- da, na zahtjev Skupštine grada, stručno ocijeni zahtjev za davanje saglasnosti na upotrebu imena Grada u poslovnom imenu pravnog lica odnosno preduzetnika te da o svom stručnom mišljenju obavijesti Skupštinu grada;
- da, na zahtjev Skupštine grada, stručno ocijeni zahtjev za davanje saglasnosti na upotrebu grba Grada, tako da utvrdi usklađenost predstave grba za čije se korištenje traži saglasnost sa etalonom grba Grada, kao i da utvrdi da li su namjene za koju se traži upotreba grba Grada i način na koji će isti biti korišten u skladu sa dobrim heraldičkim običajima i praksom, te da o svom stručnom mišljenju obavijesti Skupštinu grada;
- da, na zahtjev Gradonačelnika, stručno ocijeni zahtev za davanje saglasnosti na upotrebu zastave Grada, tako da utvrdi da li su namjene za koju se traži upotreba zastave Grada i način na koji će isti biti korišten u skladu sa dobrim običajima i praksom, te da o svom stručnom mišljenju obavijesti Gradonačelnika;
- da, na zahtjev javnog preduzeća, javne službe i druge organizacije čiji osnivač je Grad, u svakom slučaju kada postoje nedoumice po pitanju vezanom za upotrebu grba ili zastave Grada, daje stručno mišljenje, tumačenje ili preporuku;
- da, na zahtjev Gradonačelnika, u svakom slučaju kada postoje nedoumice po pitanju vezanom za upotrebu imena, grba ili zastave Grada, daje stručno mišljenje, tumačenje ili preporuku.

## V NADZOR

### **Član 26.**

Nadzor nad primjenom odredaba ove odluke vrši nadležno odjeljenje.

### **Član 27.**

Poslove inspekcijskog nadzora nad sproveđenjem ove odluke i drugih opštih i pojedinačnih akata donijetih na osnovu ove odluke, vrši odjeljenje Gradske uprave nadležan za inspekcijske poslove putem komunalnog inspektora.

### **Član 28.**

Komunalni inspektor u vršenju inspekcijskog nadzora ima pravo i dužnost da provjerava da li se upotreba imena, grba i zastave Grada u vrši u skladu sa odredbama ove odluke.**Član 29.**

U vršenju inspekcijskog nadzora komunalni inspektor je ovlašten da, pravnom licu odnosno preduzetniku koji ime Grada odnosno grb ili zastavu Grada koristi protivno odredbama ove odluke, ili protivno rješenju kojim je data saglasnost na upotrebu, rješenjem naloži da upotrebu imena Grada, odnosno grba ili zastave Grada

u određenom roku uskladi sa odredbama ove odluke, odnosno sa rješenjem o davanju saglasnosti na upotrebu.

Ako lice iz stava 1. ovog člana ne postupi po nalogu komunalnog inspektora, komunalni inspektor je ovlašten da rješenjem zabrani dalju upotrebu imena, grba ili zastave Grada, te da o istom obavijesti nadležno odjeljenje.

Komunalni inspektor je ovlašten da:

- 1) izrekne novčanu kaznu na mjestu izvršenja prekršaja za prekršaje koje je to ovom odlukom propisano (u daljem tekstu: mandatna kazna);
- 2) podnese zahtjev za vođenje prekršajnog postupka;
- 3) naredi sprovođenje drugih mera, u skladu sa ovom odlukom;
- 4) preduzima druge mjere utvrđene ovom odlukom.

Ukoliko komunalni inspektor, u vršenju inspekcijskog nadzora, uoči povredu propisa iz nadležnosti drugog organa, obavijestiće odmah o tome, pisanim putem, nadležni organ.

### **Član 30.**

O žalbama na rješenje komunalnog inspektora rješava Gradsko vijeće.

### **Član 31.**

Komunalno-policjske i druge poslove u kontroli upotrebe imena, grba i zastave Grada u skladu sa ovom odlukom, vrši Komunalna policija.

### **Član 32.**

U obavljanju poslova Komunalne policije, komunalni policajac, pored ovlaštenja propisanih zakonom, ovlašten je da:

- 1) izrekne mandatnu kaznu;
- 2) podnese zahtjev za vođenje prekršajnog postupka.

Ukoliko komunalni policajac, u obavljanju komunalno-policjskih poslova, uoči povredu propisa iz nadležnosti drugog organa, obavijestiće odmah o tome, pisanim putem, nadležni organ.

## **VI KAZNENE ODREDBE**

### **Član 33.**

Novčanom kaznom od 300.000 do 3.000.000 dinara kazniće se za prekršaj pravno lice ako:

1. koristi ime Grada u svom poslovnom imenu bez saglasnosti Skupštine grada (član 4. stav 1. ove odluke);
2. ne preduzme mjere radi brisanja imena Grada iz svog poslovnog imena u roku prema rješenju Skupštine grada kojim je ukinuto rješenje o davanju saglasnosti na upotrebu imena Grada (član 7. stav 3. ove odluke);
3. grb ili zastavu Grada upotrebljava suprotно uslovima iz člana 9. ove odluke;
4. grb ili zastavu Grada upotrebljava suprotно zabrani iz člana 10. ove odluke;

5. grb Grada upotrebljava u posebne svrhe suprotno odredbama člana 13. ove odluke;
6. grb Grada upotrebi kao ukras, dio ukrasa, dio nezaštićenog znaka ili u komercijalne svrhe, kao sastavni dio drugih amblema, odnosno znakova, ili na drugi način, bez saglasnosti Skupštine grad (član 14. ove odluke) ili suprotno određenim uslovima i načinu upotrebe iz rešenja o davanju saglasnosti na upotrebu (član 16. stav 6. ove odluke);
7. zastavu Grada upotrebi kao ukras, dio ukrasa, dio nezaštićenog znaka ili u komercijalne svrhe, kao sastavni dio drugih amblema, odnosno znakova, bez saglasnosti Gradonačelnika (član 21. ove odluke) ili suprotno određenim uslovima i načinu upotrebe iz rešenja o davanju saglasnosti na upotrebu (član 22. stav 6. ove odluke).

Za prekršaje iz stava 1. ovog člana kazniće se odgovorno lice u pravnom licu novčanom kaznom od 10.000 do 100.000 dinara.

Za prekršaje iz stava 1. ovog člana kazniće se preduzetnik novčanom kaznom od 20.000 do 400.000 dinara.

Za prekršaje iz stava 1. tačka 3, 4, 5, 6. i 7. ovog člana kazniće se fizičko lice novčanom kaznom od 10.000 do 200.000 dinara.

#### **Član 34.**

Za prekršaje iz člana 33. stav 1. tač. 1-7. izriče se mandatna kazna u iznosu od:

- 1) za pravna lica i preduzetnike 30.000,00 dinara;
- 2) za odgovorno lice 10.000,00 dinara.

Za prekršaje iz člana 33. stav 1. tač. 3-7. fizičkom licu se izriče mandatna kazna u iznosu od 10.000,00 dinara.

#### **Član 36.**

Za prekršaje iz člana 33. ove odluke za koje je ovom odlukom predviđeno izricanje mandatne kazne, komunalni inspektor odnosno komunalni policajac izriče i naplaćuje na mjestu izvršenja prekršaja novčanu kaznu učiniocu koga zatekne u vršenju prekršaja.

O naplaćenoj novčanoj kazni izdaje se potvrda u kojoj se označava koji je prekršaj učinjen i kolika je novčana kazna izrečena i naplaćena.

Ako novčana kazna iz ovog člana ne bude naplaćena na licu mjesta komunalni inspektor odnosno komunalni policajac odmah će učiniocu prekršaja uručiti poziv - nalog da istu plati na račun propisan za uplatu javnih prihoda u roku od osam dana od dana izdavanja naloga za plaćanje, zajedno sa obaveštenjem da će u slučaju da kazna ne bude uplaćena u ostavljenom roku, protiv njega pokrenuti prekršajni postupak.

VII ZAVRŠNE ODREDBE

**Član 37.**

Ova odluka stupa na snagu od dana objavljivanja u „Službenom listu Grada Novog Pazara i internet stranici Grada.

**SKUPŠTINA GRADA NOVOG PAZARA**

Broj: \_\_\_\_\_

U Novom Pazaru, \_\_\_\_\_ 2021. godine

PREDSJEDNICA

Dr. Anela Šemsović

## O B R A Z L O Ž E N J E

### I – Pravni osnov za donošenje odluke

Pravni osnov za donošenje ove odluke sadržan je u članu 32. stav 1. tačka 19. i člana 90. Zakona o lokalnoj samoupravi („Sl. glasnik Republike Srbije“, br. 129/2007, 83/2014 - dr. zakon, 101/2016 - dr. zakon i 47/2018), članovima 7. i 8. i članu 15. stav 1. tačka 30. Statuta grada Novog Pazara („Službeni list Grada Novog Pazara“, broj 8/17).

### II – Razlozi i cilj donošenja odluke

Ova odluka je Statutom grada predviđena u članu 8. stav 3. gdje se navodi „Upotreba grba i zastave Grada bliže se uređuje odlukom Skupštine grada.“

Ovakva, Statutom određena, odluka, još uvijek nije donešena na Skupštini grada.

Nedostatak ovakve odluke često donosi zloupotrebu u korištenju imena i simbola grada, budući da se koriste bez odluke, a ne postoje ni kaznene odredbe koje bi spriječile takvu pojavu. Nerijetko ovakvo nesavjesno korištenje imena i simbola nanosi štetu i narušava ugled Grada.

Također, Skupštini se često upućuju i zahtjevi za upotrebu imena Grada, a da sadržaj takvih zahtjeva nigdje nije propisan. Ne postoji ni Komisija koja bi ocijenila te zahtjeve i obrazložila odbornicima, prilikom odlučivanja na sjednicama Skupštine grada.

Odluka o upotrebi imena, grba i zastave Grada Novog Pazara ima za cilj uređenje upotrebe imena, grba i zastave, kontrolu nad takvom upotrebom, te u konačnici uspješno promovisanje Grada, njegovo brendiranje, te zaštitu od zloupotrebe u njihovoj upotrebi.

### III – Objasnjenje pojedinačnih rješenja propisanih ovom odlukom:

**Članom 1.** utvrđen je predmet uređivanja Odluke.

**Članom 2.** utvrđena je pojam upotrebe imena Grada.

**Članom 3.** utvrđen je način upotrebe imena, grba i zastave Grada.

**Članom 4.** utvrđen je uslov za upotrebu imena Grada.

**Članom 5.** utvrđeni su uslovi za davanje saglasnosti na upotrebu imena Grada u poslovnom imenu pravnog lica odnosno preduzetnika.

**Članom 6.** uređuje se postupak pribavljanja saglasnosti na upotrebu imena Grada

**Članom 7.** utvrđuje se uskraćenje prava na upotrebu imena Grada.

**Članom 8.** utvrđuje se evidencija o izdatim rješenjima o davanju saglasnosti na upotrebu imena Grada.

**Članom 9.** utvrđeni su uslovi za upotrebu grba i zastave Grada.

**Članom 10.** uređuje se zabrana upotrebe.

**Članom 11.** propisuje se službena upotreba grba Grada.

**Članom 12.** propisuje se upotreba grba Grada od strane javnih preduzeća, javnih službi i drugih organizacija čiji osnivač je Grad

**Članom 13.** propisuje se upotreba grba Grada u posebne svrhe

**Članom 14.** propisuje se upotreba grba Grada uz saglasnost Skupštine grada.

**Članom 15.** uređuje se postupak pribavljanja saglasnosti na upotrebu grba Grada.

**Članom 16.** propisuje se uskraćenje prava na upotrebu grba Grada.

**Članom 17.** uređuje se evidencija o izdatim rješenjima o davanju saglasnosti na upotrebu grba Grada.

**Članom 18.** uređuje se isticanje zastave Grada.

**Članom 19.** propisuje se način isticanja zastave Grada.

**Članom 20.** propisuje se upotreba zastave Grada od strane javnih preduzeća, javnih službi i drugih organizacija čiji osnivač je Grad.

**Članom 21.** propisuje se upotreba zastave Grada uz saglasnost Gradonačelnika.

**Članom 22.** uređuje se postupak pribavljanja saglasnosti na upotrebu zastave Grada.

**Članom 23.** propisuje se uskraćenje prava na upotrebu zastave Grada.

**Članom 24.** uređuje se evidencija o izdatim rešenjima o davanju saglasnosti na upotrebu zastave Grada

**Članom 25.** utvrđuje se Komisija za davanje stručnog mišljenja o upotrebi imena, grba i zastave Grada.

**Članom 26.** propisuje se nadzor nad primjenom odredaba ove odluke.

**Članom 27.** uređuje se inspekcijski nadzor.

**Članom 28.** uređuju se prava i dužnosti komunalnog inspektora.

**Članom 29.** propisuju se ovlaštenja komunalnog inspektora.

**Članom 30.** propisuje se rješavanje po žalbi.

**Članom 31.** uređuju se komunalno-poličijski poslovi.

**Članom 32.** propisuju se ovlaštenja komunalnog policajca.

**Članom 33.** utvrđuju se prekršaji.

**Članom 34.** propisuju se mandatne kazne.

**Članom 35.** uređuje se naplata mandatne kazne.

**Članom 36.** utvrđuje se stupanje na snagu Odluke.

**IV – Finansijska sredstva za sprovođenje ove odluke nisu potrebna.**